



# SLUŽBENE NOVINE

## OPĆINE MAGLAJ

**BROJ**

**4/13**

**Maglaj, 1.7.2013.**

„Službene novine Općine Maglaj“  
izdaje: Služba Općinskog načelnika i Općinskog vijeća  
Općina Maglaj, Viteška bb, Maglaj  
Za izdavača : JASMIN DEVEDŽIĆ  
Tel.: 032/609-550; Fax: 032/609-551; E-mail: [vijece@maglaj.ba](mailto:vijece@maglaj.ba)

## AKTI OPĆINSKOG VIJEĆA

Na osnovu člana 18. Statuta Općine Maglaj («Službene novine Općine Maglaj», broj: 8/07, 3/08 i 6/08) a u skladu sa članom 26. Zakona o popisu stanovništva, domaćinstava i stanova u Bosni i Hercegovini 2013.godine («Službeni glasnik BiH», broj: 10/12 i 18/13), na temelju provedenog Javnog konkursa za izbor članova popisnih komisija lokalne samouprave na prijedlog Općinskog načelnika, Općinsko vijeće na sjednici održanoj dana 27.06. 2013. godine, donosi

### RJEŠENJE

#### **o formiranju popisne komisije općine Maglaj za popis stanovništva, domaćinstava i stanova u BiH 2013.godine**

I – Ovim Rješenjem formira se popisna komisija općine Maglaj za popis stanovništva, domaćinstava i stanova u Bosni i Hercegovini 2013.godine.

U sastav Komisije imenuju se :

- **Jasmin Devedžić, dipl.pravnik – predsjednik**
- **Nedžad Ćatić, dipl. ing. geodezije – zaposlenik Službe za urbanizam, geodetske i imovinsko pravne poslove - član**
- **Dragomir Dundžer, dipl.ing. poljoprivrede – član**
- **Snježana Dakić – član**

II – Popisna komisija općine Maglaj obavlja slijedeće poslove:

- rukovodi pripremama, organizovanjem i provođenjem popisa na teritoriji općine Maglaj,
- vrši izbor i imenovanje instruktora i popisivača za područje općine Maglaj,
- obavještava stanovništvo o značaju popisa, načinu i vremenu njegovog provođenja, o pravima i dužnostima građana i načinu izvršavanja obaveza u popisu,
- brine o pravilnoj primjeni metodoloških i organizacionih uputstava,
- preuzima štampani popisni materijal i dijeli ga instruktorima koji ga dalje distribuiraju popisivačima,
- osigurava prostorije i uvjete za provođenje obuke općinskih instruktora i popisivača,

- provodi nadzor nad radom instruktora i ostalih učenika u popisu,
- izdaje propisna ovlaštenja za rad učesnicima u popisu,
- preduzima mjere koje garantuju kompletan obuhvat jedinica popisa,
- preuzima popis materijala od instruktora, organizuju i kontrolišu obuhvat i kvalitet popisnog materijala,
- osigurava skladištenje popisnog materijala uz ispunjavanje propisanih sigurnosnih mjera i uvjeta određenih Zakonom o zaštiti ličnih podataka,
- organizuje prijevoz i pravovremeno dostavljanje popisnog materijala na mjesto unosa,
- priprema obračun troškova nastalih za pripremu i provođenje popisa u skladu sa instrukcijama,
- radi i druge poslove u skladu sa Zakonom, instrukcijama i po ukazanim potrebama.

III – Za svoj rad popisna komisija odgovara Kantonalnoj popisnoj komisiji i Federalnom zavodu za statistiku.

Popisna komisija po završetku poslova iz tačke II ovog rješenja podnosi izvještaj Kantonalnoj popisnoj komisiji i Federalnom zavodu za statistiku o izvršenom radu najkasnije do 31.10.2013.godine.

IV – Sredstva za finansiranje rada Popisne komisije osiguravaju u budžetima viših nivoa vlasti.

V - Mandat, period rada Popisne komisije općine Maglaj traje do završetka poslova vezanih za popis stanovništva, domaćinstava i stanova u Bosni i Hercegovini 2013.godine.

VI – Ovo Rješenje stupa na snagu danom donošenja i objavit će se u „Službenim novinama Općine Maglaj“.

Broj: 02-05-1-1150 /13  
Maglaj, 27.06.2013.godine

**PREDSJEDAVAJUĆI OV,**  
**Marko Zelić**

---

Na osnovu člana 18. Statuta Općine Maglaj («Službene novine Općine Maglaj», broj: 8/07, 3/08 i 6/08) i zahtjeva MZ Bakotić i Bradići Donji općina Maglaj i MZ Globarica općina Žepče, Općinsko vijeće Maglaj na sjednici održanoj dana 27.06.2013.godine, donosi

**ODLUKU  
o davanju saglasnosti za rekonstrukciju i  
izgradnju visećeg mosta na rijeci Bosni**

**Član 1.**

Općinsko vijeće Maglaj daje suglasnost za rekonstrukciju i izgradnju visećeg mosta na rijeci Bosni lokacija između MZ Bakotić i MZ Globarica.

**Član 2.**

Ova suglasnost se daje u cilju kandidovanja rekonstrukcije i izgradnje visećeg mosta na lokaciji iz člana 1. ove Odluke.

**Član 3.**

Zadužuje se Općinski načelnik i resorna služba za pružanje svake vrste pomoći u vidu obezbjeđenja dokumentaciono informacionih podataka za potrebe ovog projekta.

**Član 4.**

Na temelju ove Odluke Općinski načelnik, Službe kao i mjesne zajednice poduzet će aktivnosti za obezbjeđenje donatora za izgradnju predmetnog mosta, kao i za koordinaciju sa Općinom Žepče u tom zajedničkom cilju.

**Član 5.**

Ova Odluka stupa na snagu osmog dana po objavljivanju u «Službenim novinama Općine Maglaj».

Broj: 02-05-1-1153/13  
Maglaj, 27.06.2013.godine

**PREDSJEDAVALAČI OV,  
Marko Zelić**

---

Na osnovu člana 18. Statuta Općine Maglaj („Službene novine Općine Maglaj“, 8/07, 3/08 i 6/08), i člana 102. Poslovnika o radu općinskog Vijeća („Službene novine općine Maglaj“, broj: 2/09 i 1/13), kao i Odluke o općinskim administrativnim taksama i tarifi općinskih administrativnih taksa

(„Službene novine Općine Maglaj“, broj:11/05, 8/06 i 5/09), Općinsko Vijeće Maglaj na sjednici održanoj dana 27.06.2013.godine, donosi

**ODLUKU  
o izmjeni i dopuni Odluke o općinskim  
administrativnim taksama i tarifi općinskih  
administrativnih taksa**

**Član 1.  
(predmet)**

U Odluci o općinskim administrativnim taksama i tarifi općinskih administrativnih taksa („Službene novine Općine Maglaj“, broj:11/05, 8/06 i 5/09), mijenja se stav 4. člana 8. i glasi :

Od plaćanja administrativne takse oslobođeni su :

„ 4. građani za akt o zasnivanju radnog odnosa i za spise i radnje u vezi sa ostvarivanjem i zaštitom prava iz radnog odnosa koji prvi put zasniva radni odnos, odnosno kada vrši prijavu na konkurs ili oglas oslobađaju se od plaćanja za 8 ( osam ), kompleta dokumentacije po objavljenom konkursu od općinske administrativne takse i utvrđene tarife općinske administrativne takse, a svaka naredna ovjera dokumenata plaća se 50% od utvrđene naknade za administrativnu taksu. Ova izmjena vrijedi samo za građane sa područja općine Maglaj»

**Član 2.  
(realizacija)**

Za realizaciju ove odluke zadužuje se Služba za privredu, finansije i razvoj poduzetništva

**Član 3.  
(stupanje na snagu)**

Odluka stupa na snagu danom objavljivanja u Službenim novinama Općine Maglaj i primjenjuje se do donošenja nove Odluke o općinskim administrativnim taksama i tarifi općinskih administrativnih taksa.

Broj: 02-05-1-1154/13  
Datum, 27.06.2013.godine

**PREDSJEDAVALAČI OV  
Marko Zelić**

---

Na osnovu člana 18. alineja 6 i 19. Statuta Općine Maglaj ("Službene novine Općine Maglaj", broj:8/07 3/08 i 6/08) a u vezi sa članom 25. Zakona o građevinskom zemljištu FBiH ("Službene novine FBiH" broj:25/03 16/04), po ponudi za kupovinu gradskog građevinskog zemljišta podnesenoj od strane Milovanović (Nedeljko) Savke iz Misurića, općina Maglaj, Općinsko vijeće Općine Maglaj na sjednici održanoj dana 27.06.2013. godine, d o n o s i

## **ODLUKU**

1. Ne prihvata se od strane Milovanović (Nedeljko) Savke iz Misurića, općina Maglaj, data ponuda kojom Općini Maglaj nudi prvenstveno pravo preuzimanja gradskog građevinskog zemljišta označenog sa:

- k.č.br. 2496/1 "PRISADE BARE", njiva 3. klase površine 1403 m<sup>2</sup> upisana u pl.

br. 1054/05 k.o. Maglaj , posjednik Milovanović Nedeljka Savka , Maglaj, Tešanjaska 8, sa 1/1, po katastru zemljišta , a po zemljišnoj knjizi odnosi se na: k.č. br. 2874/2 "PRISADI I BARE", njiva u istoj površini, upisana u z.k. ul. br. 1846 k.o. SP Maglaj , Društvena svojina pravo korištenja Milovanović Savka sa 1/1 i

- k.č.br. 2505/1 "PRISADE" , voćnjak 3. klase površine 480 m<sup>2</sup>, upisana u pl. br.

1054/05 k.o. Maglaj , posjednik Milovanović Nedeljka Savka , Maglaj, Tešanjaska 8, sa 1/1, po katastru zemljišta , a po zemljišnoj knjizi odnosi se na: k.č. br. 2874/4 "PRISADE" , voćnjak u istoj površini upisana u z.k. ul. br. 1846 k.o. SP Maglaj, Društvena svojina pravo korištenja Milovanović Savka sa 1/1.

2. Dozvoljava se Milovanović (Nedeljko) Savki iz Misurića, općina Maglaj, prijenos naprijed navedenog prava korištenja na treća lica, ali ne po nižoj cijeni od ponuđene Općini Maglaj u iznosu od 20.000,00 KM .

Broj: 02-05-1-1170/13

Datum: 27.06.2013.godine

**PREDSJEDAVALAČI OV**  
**Marko Zelić**

---

Na osnovu člana 18. Statuta Općine Maglaj ("Službene novine Općine Maglaj, broj 8/07,3/08 I 6/08) i člana 102. Poslovnika o radu vijeća Općine ( "Službene novine Općine Maglaj, broj: 1/09 I 1/,13), a u vezi sa članom 29. i 72. Zakona o socijalnoj zaštiti, zaštiti civilnih žrtava rata i zaštite porodice sa djecom ( "Službene novine ZE-DO kantona", broj: 13/07i 13/11) Općinsko vijeće općine Maglaj na sjednici održanoj dana 27.06.2013.godine., donijelo je

## **ODLUKU**

### **o sprovođenju socijalne zaštite i zaštite porodice sa djecom na općini Maglaj**

#### **I – OPĆE ODREDBE**

##### **Član 1.**

- 1) Ovom Odlukom uređuje se: korisnici prava iz socijalne zaštite i zaštite porodice sa djecom, prava, uslovi i postupak za ostvarivanje, korištenje i prestanak prava, finansiranje prava, nadležni organi za vođenje postupka i druga pitanja od značaja za provođenje prava iz socijalne zaštite i zaštite porodice sa djecom na području općine Maglaj ( u daljem tekstu: Općina).
- 2) Ovom odlukom uređuju se odnosi iz stava 1. ovog člana za koje je Zakonom o socijalnoj zaštiti, zaštiti civilnih žrtava rata i zaštite porodice sa djecom ( u daljem tekstu: Zakon) određena obaveza sufinansiranja i finansiranja od strane Općine, te odnosi koje Općina uređuje po osnovu prava na proširenje kruga korisnika i prava iz socijalne zaštite u skladu sa svojim razvojnim planovima socijalne zaštite i finansijskim mogućnostima.

#### **II – SOCIJALNA ZAŠTITA**

##### **Član 2.**

Socijalna zaštita se obezbjeđuje licima u stanju socijalne potrebe pod uslovima predviđenim Zakonom i odredbama ove Odluke.

#### **1. KORISNICI PRAVA IZ SOCIJALNE ZAŠTITE**

##### **Član 3.**

Korisnici prava iz socijalne zaštite po ovoj Odluci su lica iz člana 11. Zakona i to:

- a) djeca bez roditeljskog staranja,
- b) odgojno zanemarena djece,
- c) odgojno zapuštena djeca,
- d) djeca čiji je razvoj ometen porodičnim prilikama,
- e) lica sa invaliditetom i lica ometena u fizičkom ili psihičkom razvoju,
- f) materijalno neosigurana i za rad nesposobna lica,
- g) stara lica, bez porodičnog staranja,
- h) lica sa društveno negativnim ponašanjem,
- i) lica ovisna o psihoaktivnim supstancama,
- j) lica i porodice u stanju socijalne potrebe, kojima je usljed posebnih okolnosti potreban odgovarajući oblik socijalne zaštite ,
- k) lica koja su žrtve porodično nasilje i nasilje u zajednici.

## 2. PRAVA IZ SOCIJALNE ZAŠTITE

### Član 4.

1) Prava iz socijalne zaštite po Zakonu i ovoj odluci su:

1. novčana i druga materijalna pomoć;
2. osposobljavanje za život i rad;
3. smještaj u drugu porodicu;
4. smještaj u ustanove socijalne zaštite;
5. usluge socijalnog i drugog stručnog rada;
6. kućna njega i pomoć u kući;
7. pomoć u dnevnom i cjelodnevnom zbrinjavanju;
8. vršenje starateljstva i nadzor.

2) Prava iz stava 1. tačka 2.,3., 4. i 5. ostvaruju se na način i pod uslovima regulisanim Zakonom, a ostala prava iz stava 1. tačka 1.,6.,8. i 9. ovog člana pod uslovim utvrđenim ovom odlukom.

### 2.1. Novčana i druga materijalna pomoć

#### Član 5.

Novčana i druga materijalna pomoć sastoji se od :

1. stalne novčane pomoći;
2. novčane naknade za pomoć i njegu od strane drugog lica;
3. druge materijalne pomoći;
4. subvencije troškova komunalnih usluga;
5. subvencije ishrane u gradskoj narodnoj u kuhinji;

#### Stalna novčana pomoć

#### Član 6.

- 1) Pravo na stalnu osnovnu novčanu pomoć imaju lica i porodice iz člana 21. Zakona,

pod uslovima i na način regulisan odredbama 22. do 29. Zakona i ovom odlukom.

- 2) Pored Zakonom predviđenih lica, nesposobnim za rad smatra se i samohrani roditelj koji se stara o jednom djetetu starosti do jedne godine života.
- 3) Samohrani roditelj smatra se i onaj roditelj koji je ostao sam u obavezi izdržavanja djece pod uslovima iz stava 2. ovog člana, ukoliko je drugi roditelj na izdržavanju kazne zatvora, lice sa društveno negativnim ponašanjem koje grubo zanemaruje svoje roditeljske obaveze.
- 4) Lica ometena u fizičkom ili psihičkom razvoju, koja su potpuno trajno nesposobna za rad i samostalan život, za koja nadležna Komisija za ocjenjivanje sposobnosti i razvrstavanje djece i omladine ometene u psiho-fizičkom razvoju utvrdi potrebu smještaja u ustanove socijalne zaštite, ako ostaju u porodici, imaju pravo na stalnu osnovnu novčanu pomoć pod uslovom da prihvati po članu domaćinstva srodnika koji su u obavezi izdržavanja, mjesečno ne prelaze iznos od 40% od prosječne plaće ostvarene u Kantonu u prethodnoj godini.

#### Novčana naknada za pomoć i njegu od strane drugog lica

#### Član 7.

Pravo na novčanu naknadu za pomoć i njegu od strane drugog lica ostvaruje se pod uslovima i na način regulisan odredbama članova 30. do 32. i člana 151. Zakona.

#### Druga materijalna pomoć

#### Član 8.

Pravo na drugu materijalnu pomoć, u smislu Zakona i ove odluke, je privremena, jednokratna, druga novčana pomoć ili naturalno davanje materijalno neosiguranom licu ili porodici koja se nađe u stanju socijalne potrebe zbog:

1. Pretrpljene prisilne migracije;
2. repatrijacije;
3. smrt jednog ili više članova porodice;
4. liječenje;
5. odlaska i povratka sa liječenja;
6. otpuštanja sa izdržavanja kazne zatvora;
7. izvršavanja odgojne mjere;
8. elementarne nepogode;
9. iznenadnog nesretnog slučaja u porodici i drugih okolnosti koje uzrokuju stanje socijalne potrebe.

## Subvencije troškova komunalnih usluga

### Član 9.

Pravo na drugu materijalnu pomoć imaju lica i porodice iz člana 8. ove odluke ako ispunjavaju uslove iz člana 25. Zakona, sa izuzetkom posjedovanja motornog vozila (koje je staro do 15 godina) i ako nemaju članova porodice koji su po zakonu obavezni da ih izdržavaju ili ako ih imaju da nisu u mogućnosti da izvršavaju svoje obaveze izdržavanja.

### Privremena pomoć

#### Član 10.

- 1) Privremena pomoć može se dodijeliti (za sanaciju, rekonstrukciju ili adaptaciju stambenog objekta, nabavku ortopedskog pomagala, nabavku lijekova, snošenje troškova dženaze/sahrane i drugo) licu ili domaćinstvu koje se nađe u stanju izuzetne socijalne potrebe, koja se ne može zadovoljiti jednokratnom novčanom pomoći.
- 2) Visina povremene novčane pomoći utvrđuje se u iznosu od 50% od osnovice iz člana 9. Zakona do iznosa šest puta uvećane osnovice iz člana 9. Zakona, i može se dodijeliti istom licu ili domaćinstvu samo jednom u toku kalendarske godine.

### Jednokratna novčana pomoć

#### Član 11.

- 1) Jednokratna novčana pomoć može se odobriti licu ili domaćinstvu u stanju socijalne potrebe uzrokovane okolnostima navedenim u članu 8. ove Odluke.
- 2) Jednokratna novčana pomoć može se odobriti u iznosu do 50% od osnovice iz člana 9. Zakona, a istom licu se može odobriti najviše tri puta u toku kalendarske godine.

### Materijalna pomoć u naturalnom obliku

#### Član 12.

- 1) Pravo na materijalnu pomoć u naturalnom obliku mogu ostvariti lica i porodice koje se nađu u stanju socijalne potrebe iz razloga navedenih u članu 8. ove odluke.
- 2) Zavisno od mogućnosti Općine pravo na pomoć iz stava 1. ovog člana može se ostvariti neovisno od već ostvarenog prava na stalnu, povremenu ili jednokratnu novčanu pomoć.

### Član 13.

- 1) Pravo na subvencije troškova komunalnih usluga (u daljem tekstu: subvencije) u smislu ove odluke je pravo na subvenciju troškova:
  1. centralnog grijanja u 100% iznosu mjesečnih računa za usluge centralnog grijanja u sezoni grijanja;
  2. centralnog grijanja u 50% iznosu mjesečnih računa za usluge centralnog grijanja u sezoni grijanja;
  3. grijanja na čvrsto gorivo (jednokratno) u iznosu od 40% cijene centralnog grijanja za 40 m<sup>2</sup> stambenog prostora u sezoni grijanja;
  4. vode i kanalizacije u 100% iznosu mjesečnih računa za usluge vode i kanalizacije u toku jedne kalendarske godine;
  5. vode i kanalizacije u 50% iznosu mjesečnih računa za usluge vode i kanalizacije u toku jedne kalendarske godine.

- 2) Korištenje prava pod tačkom 1., 2. i 3., kao i prava pod tačkom 4. i 5. ovog člana međusobno se isključuju.

### Član 14.

Pravo na subvenciju, pod uslovima iz ove odluke, može ostvariti:

1. domaćinstva korisnika prava na stalnu novčanu pomoć;
2. domaćinstva koje su po osnovu rješenja Centra na smještaj i brigu u svojoj porodici primili dijete bez roditeljskog staranja;
3. domaćinstva u kojim je jedan ili više članova lica sa 100% tjelesnog oštećenja i ostvaruje pravo na naknadu za njegu i pomoć drugog lica po federalnom Zakonu o osnovama socijalne zaštite, zaštite civilnih žrtava rata i zaštite porodice sa djecom;
4. ostala domaćinstva u stanju socijalne potrebe;

### Član 15.

- 1) Pravo na subvenciju imaju korisnici iz člana 14. ove Odluke pod sljedećim uslovima:
  1. Korisnici iz člana 14. tačka 1. i 2. ove odluke mogu koristiti prava iz člana 13. tačka 1., 2.

- i 5. ove odluke bez obzira na visinu prihoda, uslove stanovanja i druge uslove;
2. Korisnici iz člana 14. tačka 2. i 4. ove odluke mogu koristiti prava iz člana 13. tačka 1., 3. i 5. ove odluke ako ispunjavaju uslove iz stava 1. tačka 3.a., b.,c.,d.,e. i f. ovog člana;
  3. Korisnici iz člana 14. tačka 5. ove odluke mogu koristiti prava iz člana 13. tačka 2.,4. i 5. ove odluke ako ispunjavaju i sljedeće uslove:
    - a. ukupan prihod po članu domaćinstva mjesečno ne prelazi iznos od 25% prosječne neto plaće ostvarene po zaposlenom u Kantonu u prethodnoj godini, u odnosu na godinu u kojoj se podnosi zahtjev za ostvarivanje prava po ovoj odluci;
    - b. da je jedan od članova domaćinstva nosilac stanarskog prava na stanu koji koristi domaćinstvo; vlasnik ili van knjižni vlasnik stambene jedinice koju koristi domaćinstvo ( nosilac privremenog rješenja ili odobren smještaj od strane nadležnog organa, podstanar koji je zaključio ugovor o podstanarskom odnosu na stambenoj jedinici koju koristi domaćinstvo, a koji je ovjeren u Poreskoj upravi);
    - c. da ukupna stambena površina za jednočlana domaćinstva ne prelazi 40 m<sup>2</sup>, a za višečlana domaćinstva za svakog sljedećeg člana ova se površina uvećava za 10 m<sup>2</sup> stambene površine;
    - d. da nisu domaćinstva u kojima je neko od članova vlasnik preduzeća, samostalne radnje, ili obavlja registrovanu dopunsku djelatnost;
    - e. da nisu domaćinstva u kojima neko od članova izdaje pod zakup stambene jedinice;

2) Za priznavanje prava na subvenciju iz člana 13. tačka 1. i 2. ove odluke stambenom površinom u smislu odredbe stava 1. tačka 3.c. smatra se površina stana iskazana u računima za naplatu usluga centralnog grijanja.

#### Član 16.

Prihodima iz člana 15. stav 1. tačka 3.a. ove odluke smatraju se prihodi po osnovu:

1. Plaće i druga primanja iz radnog odnosa;
2. starosne, invalidske i porodične penzije;
3. obavlja poljoprivredne djelatnosti;
4. primanja po propisima iz boračko-invalidske zaštite i zaštite civilnih žrtava rata;
5. imovinskih prava;

6. autorskih prava;
7. obavljanja privrednih, uslužnih i drugih djelatnosti;
8. obavljanja dopunske djelatnosti.

#### Subvencije troškova ishrane u gradskoj narodnoj kuhinji

##### Član 17.

- 1) Pravo na subvenciju troškova ishrane u gradskoj narodnoj kuhinji, u smislu ove odluke, je pravo na subvenciju troškova ishrane u Gradskoj narodnoj kuhinji u 100% iznosu cijene koštanja obroka.
- 2) Uslove, način korištenja prava i cijenu obroka iz stava 1. ovog člana na prijedlog koordinacionog odbora Gradske narodne kuhinje Maglaj utvrđuje zaključkom načelnik Općine.

#### Subvencija troškova javnog prevoza.

##### Član 18.

Pravo na subvenciju troškova javnog prijevoza, u smislu ove odluke, je pravo na subvenciju troškova javnog prijevoza za odlazak i povratak iz škole u toku školske godine, u 100% iznosu cijene koštanja troškova prijevoza sredstvima javnog prijevoza.

##### Član 19.

Pravo iz člana 18. ove odluke, pod uslovom da udaljenost mjesta stanovanja do škole, u jednom pravcu, iznosi od 2 do 5 km, mogu koristiti:

1. djeca korisnika stalne novčane pomoći;
2. djeca smještena u drugu porodicu i djeca bez jednog roditelja ako ispunjavaju uslove iz člana 25. Zakona i
3. djeca ometena u psihičkom i fizičkom razvoju prema ocjeni socijanog radnika.

#### 2.2. Kućna njega i pomoć u kući

##### Član 20.

Pravo na kućnu njegu i pomoć u kući imaju lica nesposobna za samostalan rad i privredjivanje, lice starije od 65 godina ( muškarci), odnosno 60 godina ( žene) i lica sa trajnim smetnjama u fizičkom i psihičkom razvoju, koje nije u stanju da se samo stara o sebi, pod uslovima predviđenim članom 67. Zakona i ovom odlukom.

### Član 21.

Kućna njega i pomoć u kući obuhvata:

1. održavanje lične higijene;
2. pripremanje hrane u stanu;
3. održavanje higijene stana;
4. nabavku namirnica, pomoć pri korištenju zdravstvene zaštite i slično.

### Član 22.

Prvostepeni organ rješenjem o određivanju prava na kućnu njegu i pomoć u kući određuje vrstu i obim usluga kućne njege, a ugovorom između korisnika, izvršioca usluga i prvostepenog organa se utvrđuju uslovi pružanja usluga i naknada za izvršene usluge.

### Član 23.

Pružanje usluga može se povjeriti fizičkom licu ili nevladinoj organizaciji ( u daljem tekstu: lice) koja ispunjava Zakonom propisane uslove.

### Član 24.

- 1) Lice koje pruža usluge kućne njege i pomoći ima pravo na naknadu.
- 2) Naknada iz stava 1. ovog člana, zavisno od vrste pruženih usluga, može maksimalno iznositi do visine dva iznosa stalne osnovne pomoći.

### Član 25.

Naknada iz člana 24. ove odluke ne smatra se plaćom, niti drugim prihodom koji podliježe plaćanju poreza.

### Član 26.

Naknada za pojedine usluge kućne njege i pomoći u kući, utvrđuju se u procentima od maksimalnog iznosa naknade iz člana 24. stava 2. ove odluke, i iznose:

1. održavanja lične higijene ..... 35%
2. pripremanja hrane u stanu..... 30%
3. održavanja higijene stana ..... 25%
4. nabavke namirnica, pomoć pri korištenju zdravstvene zaštite i slično ....10%

### Član 27.

Korisnici socijalne pomoći i lice čija primanja u domaćinstvu ne prelaze iznos najniže penzije u Federaciji BiH, ne učestvuju u snošenju dijela troškova na ime pružanja usluga kućne njege i pomoći u kući.

### Član 28.

Lice koje je ostvarilo pravo na usluge kućne njege i pomoći u kući i čiji prihodi prelaze iznos najniže penzije u Federaciji BiH, učestvuju u snošenju dijela troškova pružanju usluga kućne njege i pomoći u kući sa 20% od iznosa naknade za pružanje usluga kućne njege i pomoć u kući.

## 2.3. Hraniteljski dodatak

### Član 29.

- 1) Hranitelj koji je u skladu sa Zakonom, a na osnovu rješenja Centra na smještaj i brigu u svoju porodicu ( druga porodica ili srodnička porodica) primio dijete bez roditeljskog staranja ima, pod uslovima iz ove odluke, pravo na hraniteljski dodatak.
- 2) Hraniteljski dodatak je novčana pomoć hranitelju, čija je svrha osiguranje materijalnih i drugih uslova za pravilan razvoj djeteta smještenog u drugu hraniteljsku ili srodničku porodicu, a koji se ne mogu postići naknadom koja se isplaćuje po Zakonu.

### Član 30.

Hranitelju pripada hraniteljski dodatak za svako dijete koje je primio na smještaj i brigu u svoju porodicu i isplaćuje se mjesečno za:

1. hitni kratkoročni smještaj dojenčeta, u iznosu razlike između iznosa osnovice iz člana 9. Zakona i naknade za smještaj utvrđene Zakonom, za jedan mjesec boravka djeteta u porodici, odnosno 3,3% iznosa razlike za svaki dan smještaja djeteta;
2. kratkoročni smještaj djeteta u iznosu od 50% od iznosa razlike između iznosa osnovice iz člana 9. Zakona i naknade za smještaj utvrđene Zakonom, za jedan mjesec boravka djeteta u porodici, odnosno 1,65% iznosa razlike za svaki dan smještaja djeteta;
3. dugoročni smještaj djeteta u iznosu od 50% od iznosa razlike između iznosa osnovice iz člana 9. Zakona i naknade za smještaj utvrđene Zakonom za jedan mjesec boravka djeteta u porodici;
4. smještaj djeteta ili odraslog lica ometenog u psihičkom ili fizičkom razvoju, u iznosu od 70% od iznosa razlike između iznosa osnovice iz člana 9. Zakona i naknade za



- smještaj utvrđene Zakonom, za jedan mjesec boravka djeteta u porodici.
5. Pravo na hraniteljski dodatak nema porodica koja je na smještaj primila dijete s ciljem zaključenja usvojenja.
  6. Dojenčedom se, u smislu ove odluke, smatra dijete uzrasta do 6 mjeseci života.
  7. Djetetom, u smislu ove odluke, smatra se dijete uzrasta od 6 mjeseci do 18 godina.
  8. Kratkoročnim smještajem, u smislu ove odluke, smatra se smještaj koji traje najduže 90 dana, a dugoročni smještaj je smještaj koji, u pravilu, traje na neodređeni period i može trajati nekoliko godina, odnosno do punoljetstva djeteta.

#### **2.4. Pomoć u dnevnom i cjelodnevnom zbrinjavanju**

##### **Član 31.**

- 1) Pravo na pomoć u dnevnom i cjelodnevnom zbrinjavanju, uključujući smještaj i ishranu korisnika, pod uslovima iz ove odluke, mogu imati sljedeći korisnici:
  1. djeca čiji je razvoj ometen porodičnim prilikama i nađu se u skitnji,
  2. djeca ometene u psihičkom ili fizičkom razvoju.
- 2) Pomoć u dnevnom zbrinjavanju korisnicima iz stava 1. tačka 1. ovog člana osigurava se u okviru redovnih aktivnosti Centra, a korisnicima iz tačke 2. u okviru projektnih aktivnosti nevladinog sektora i drugih ustanova, kao davalaca usluga.

#### **2.5. Vršenje starateljstva i nadzor**

##### **Član 32.**

Starateljstvo i nadzor vrši se u skladu sa odredbama Porodičnog zakona, Pravilnika o visini iznosa i načinu isplate mjesečne naknade za rad staratelja i osobe imenovane za vršenje dužnosti staratelja u organu starateljstva ( "Sl. novine F BiH", broj: 18/06), Pravilnika o visini i načinu isplate opravdanih troškova i mjesečne naknade osobi koja vrši nadzor nad ostvarivanjem roditeljskog staranja ( "Sl. novine F BiH", broj) 18/06) i uslovima utvrđenim ovom odlukom.

##### **Član 33.**

- 1) Sredstva za finansiranje isplate mjesečnih naknada za rad staratelja i osobe imenovane za vršenje dužnosti staratelja u organu starateljstva obezbjeđuju se u skladu sa propisom Kantona.
- 2) Naknada opravdanih troškova i mjesečne naknade osobi koja vrši nadzor nad ostvarivanjem roditeljskog staranja planiraju se u finansijskom planu Centra i obezbjeđuju se u budžetu Općine, u skladu sa Pravilnikom o visini i načinu isplate opravdanih troškova i mjesečnih naknade osobi koja vrši nadzor nad ostvarivanjem roditeljskog staranja ("Sl. novine FBiH", broj. 18/06).

### **III – ZAŠTITA PORODICE SA DJECOM**

#### **1. PRAVA PORODICE SA DJECOM**

##### **Član 34.**

Zaštita porodice sa djecom, u smislu zakona i ove odluke, je osiguranje porodice kroz materijalna i druga davanja, radi pomaganja u podizanju, odgoju i zbrinjavanju djece, kao i njihovom osposobljavanju za samostalan život i rad, u najboljem interesu djeteta.

##### **Član 35.**

- 1) Prava porodice sa djecom u smislu Zakona i ove odluke su:
  1. dodatak na djecu;
  2. naknada plaće ženi-majci u radnom odnosu, za vrijeme dok odsustvuje sa posla radi trudnoće, porođaja i njege djeteta;
  3. novčana pomoć za vrijeme trudnoće i porođaja žene-majke koja nije u radnom odnosu;
  4. jednokratna pomoć za opremu novorođenog djeteta;
  5. pomoć u prehrani djeteta do 6 mjeseci i dodatna ishrana za majke-dojilje;
  6. poseban psihosocijalni tretman bračnih partnera koji žele djecu i trudnica;
  7. smještaj djece uz osiguranu ishranu u ustanovama predškolskog odgoja;
  8. osiguranje jednog obroka u vrijeme nastave u školama osnovnog obrazovanja;
  9. Prihvatna stanica za maloljetna lica koja se nađu u skitnji.
- 2) Prava iz stava 1. tačka 1. do 5. ostvaruje se na način i pod uslovima utvrđenim Zakonom, a ostala prava iz stava 1. tačka 6.

do 9. ovog člana, pod uslovima utvrđenim ovom odlukom.

### **1.1. Poseban psihosocijalni tretman bračnih partnera koji žele djecu i trudnica**

#### **Član 36.**

- 1) Pravo na poseban psihosocijalni tretman bračnih partnera koji žele djecu i trudnica ostvaruje se u Centru, u Savjetovalištu za pitanje braka i porodice Maglaj ( u daljem tekstu: Savjetovalište).
- 2) Korištenje usluge Savjetovališta ostvaruje se na način i po postupku koji se utvrđuje općim aktom Centra, kojeg donosi organ upravljanja Centra.
- 3) Korištenje usluge Savjetovališta ostvaruje se bez plaćanja naknade.
- 4) Sredstva za rad savjetovališta planiraju se u finansijskom planu Centra, a obezbjeđuju u budžetu Općine.

### **1.2. Smještaj djece uz osiguranu ishranu u ustanovama predškolskog odgoja**

#### **Član 37.**

Pravo na smještaj djece uz osiguranu ishranu u ustanovama predškolskog odgoja, u smislu ove odluke, jer pravo na subvenciju u 100% iznosu troškova smještaja i ishranu djeteta predškolskog uzrasta u predškolskoj ustanovi.

#### **Član 38.**

Pravo iz člana 37. ove odluke mogu ostvariti djeca predškolskog uzrasta:

1. korisnika stalne novčane pomoći;
2. na smještaj u drugoj porodici;
3. na smještaj u srodničkoj porodici;
4. iz porodice u kojoj živi dijete ili odrasla osoba ometena u psihičkom ili fizičkom razvoju;
5. djeca ometena u psihičkom ili fizičkom razvoju;
6. djeca čiji je razvoj ometen porodičnim prilikama;
7. djeca iz porodica koje se nalaze u stanju socijalne potrebe, a prema procjeni socijalnih radnika.

### **1.3. Osiguranje jednog obroka u vrijeme nastave u školama osnovnog obrazovanja**

#### **Član 39.**

Pravo na osiguranje jednog obroka u vrijeme nastave u školama osnovnog obrazovanja, u smislu ove odluke, je pravo na subvenciju 100% cijene obroka koje se djeci daje za vrijeme nastave.

#### **Član 40.**

Pravo iz člana 39. ove odluke mogu ostvariti djeca osnovnoškolskog uzrasta:

1. korisnika stalne novčane pomoći;
2. na smještaju u drugoj porodici;
3. na smještaju u srodničkoj porodici;
4. iz porodice u kojoj živi dijete ili odrasla osoba ometena u psihičkom ili fizičkom razvoju;
5. djeca ometena u psihičkom ili fizičkom razvoju;
6. djeca čiji je razvoj ometen porodičnim prilikama i
7. djeca iz porodica koje se nalaze u stanju socijalne potrebe.

## **IV – POSTUPAK ZA OSTVARIVANJE PRAVA IZ SOCIJALNE ZAŠTITE I ZAŠTITE PORODICE SA DJECOM**

#### **Član 41.**

U postupku za ostvarivanje prava po ovoj odluci primjenjuju se i odredbe Zakona o upravnom postupku BiH, ako nije drugačije određeno ovom odlukom.

#### **Član 42.**

Postupak za ostvarivanje prava po ovoj odluci pokreće se na zahtjev lica u stanju socijalne potrebe, odnosno njegovog zakonskog zastupnika, a može se pokrenuti i po službenoj dužnosti.

#### **Član 43.**

1) O pravima utvrđenih ovom odlukom u prvom stepenu rješava JU Centar za socijalni rad Maglaj ( U daljem tekstu: Centar).

2) Resorna služba Općine nadležna je za rješavanje po žalbi protiv prvostepenog rješenja, kojim je utvrđena obaveza finansiranja iz sredstava budžeta Općine.

#### **Član 44.**

- 1) Lica koja podnose zahtjev za ostvarivanje prava po ovoj odluci, dužna su uz zahtjev pribaviti i priložiti sljedeću dokumentaciju ( originale ili ovjerene fotokopije) kojom

dokazuju stanje socijalne potrebe, odnosno potrebu zaštite porodice:

- a) Zahtjev;
  - b) Lična karta podnosioca zahtjeva;
  - c) Prijava prebivališta – boravišta podnosioca zahtjeva;
  - d) Kućna lista;
  - e) Rodni list (za sve članove domaćinstva);
  - f) Medicinska dokumentacija za lica mlađa od 60 g. (žene) ili 65 g. (muškarci);
  - g) Potvrda za djecu o redovnom pohađanju škole;
  - h) Dokazi o prihodima domaćinstva (uvjerenje o visini plaće, ček od penzije, uvjerenje da nisu korisnici prava po osnovu boračko-invalidske zaštite, civilnih žrtava rata i drugi dokazi o prihodima);
  - i) Uvjerenje o poreskom zaduženju;
  - j) Uvjerenje o katastarskom prihodu;
  - k) Potvrda nadležnog organa da podnosilac zahtjeva ili članovi domaćinstva nisu vlasnici automobile ili drugog motornog vozila;
  - l) Dokaz o kvadraturi stambene površine;
  - m) Račun za centralno grijanje ili račun za vodu i kanalizaciju;
  - n) Dokaz o vlasništvu ili vanknjižnom vlasništvu stambene jedinice (zemljišno-knjižni izvadak, katastarski izvadak, darovni ugovor, ugovor o kupovini stambene jedinice, ovjeren od strane nadležne institucije, gradjevinska dozvola, potvrda nadležnog općinskog organa da je podnesen zahtjev za legalizaciju bespravno izgrađene stambene jedinice, zahtjev općinskog suda za pokretanje ostavinskog postupka za stambenu jedinicu koju koristi neko od zakonskih nasljednika.);
  - o) Potvrda o nezaposlenosti (za članove domaćinstva koja nisu u random odnosu).
- 2) Centar će po službenoj dužnosti od nadležnih organa koji vode službene evidencije, pribavljati relevantne dokaze za ostvarivanje prava po ovoj odluci, ako će to brže i lakše učiniti nego da ih stranka pribavlja sama.

- 3) Centar je dužan da zainteresovanim licima učini dostupnim obrasce za podnošenje zahtjeva za ostvarivanje prava po ovoj odluci, uključujući i upute o dokazima koje će Centar prikupljati po službenoj dužnosti, kao i dokaze koji su potrebni za svako pojedinačno pravo po ovoj odluci.

#### **Član 45.**

Korisnici su dužni prijaviti svaku nastalu promjenu koje je od uticaja za ostvarivanje ovoga prava u roku od 15 dana od dana nastanka promjene.

### **V – Obezbjedjivanje sredstava za realizaciju prava na socijalnu zaštitu i zaštitu porodice sa djecom**

#### **Član 46.**

- 1) Finansijska sredstva za realizaciju prava iz socijalne zaštite i zaštite porodice sa djecom, po ovoj odluci, obezbjedjuju se u budžetu općine Maglaj, izuzev:
  - a) sredstava za finansiranje prava na stalnu novčanu pomoć koje se finansira iz budžeta Kantona u iznosu od 60%, a ostatak iz budžeta općine Maglaj od 40%, i prava iz člana 4. stav 1. tačka 2.,3.,4. i 5., i člana 35. stav 1. tačka 1. do 5.,
  - b) sredstva za finansiranje prava na usluge kućne njege i pomoći u kući koja se obezbjedjuju iz sredstava budžeta općine Maglaj sredstava korisnika ili sredstava drugog pravnog ili fizičkog lica koje je preuzelo tu obavezu za korisnika.
- 2) Materijalne troškove u izvršavanju ove odluke Centar planira u okviru svojih godišnjih finansijskih planova.
- 3) Korisnici prava po ovoj odluci sami snose troškove koje prouzrokuju u postupku ostvarivanja i korištenja prava.

### **VI – Prelazne i završne odredbe**

#### **Član 47.**

- 1) U roku od 60 dana od dana stupanja na snagu ove odluke resorna služba Općine će:
  1. propisati obrasce za podnošenje zahtjeva za ostvarivanje prava po ovoj odluci;
  2. donijeti uputstvo o načinu trebovanja i isplata novčanih naknada po osnovu priznatih prava po ovoj odluci;

3. donijeti uputstvo o načinu vođenja evidencije o korisnicima i priznatim pravima po ovoj odluci i
4. donijeti uputstvo o načinu izvještavanja o korisnicima i priznatim pravima po ovoj odluci.
- 2) Po stvaraju kadrovskih i finansijskih uslova Centar će donijeti opće akte iz člana 36. stav 1.-4. ove odluke.
- 3) U roku od 90 dana od dana stupanja na snagu ove odluke načelnik Općine će, na prijedlog Koordinacionog odbora Gradske narodne kuhinje donijeti zaključak o uslovima, načinu korištenja prava i cijeni obroka Gradske narodne kuhinje iz člana 12. stav 2. ove odluke.

#### **Član 48.**

Prava utvrđena ovom odlukom prestaju kad prestanu okolnosti koje su bile od uticaja za njihovo priznavanje.

#### **Član 49.**

Postupci za priznavanje prava započeti prije donošenja ove odluke, a koji nisu završeni okončat će se po odredbama ove odluke.

#### **Član 50.**

- 1) Prava iz ove odluke mogu ostvariti lica, odnosno porodice, koji imaju prebivalište, odnosno boravište na području općine Maglaj.
- 2) Izuzetno, prava iz socijalne zaštite po ovoj odluci mogu ostvariti i lica iz drugih općina Zeničko-dobojskog kantona, pod uslovima predviđenih članom 144. Zakona i ovom odlukom.

#### **Član 51.**

Danom početka primjene ove Odluke prestaje primjena Odluke o socijalnoj zaštiti Općine Maglaj broj: 07-14-217/89 od 02.11.1989. godine.

#### **Član 52.**

Ova odluka stupa na snagu danom donošenja i objavit će se u Službenim novinama Općine Maglaj.

Broj: 02-05-1-1169/13  
Maglaj, 27.06.2013.godine

**PREDSJEDAVAJUĆI OV,**  
**Marko Zelić**

Na osnovu člana 18. alineja 19. Statuta Općine Maglaj ("Službene novine Općine Maglaj", broj:8/07; 3/08 i 6/08), člana 6. Zakona o postupku za ukidanje zajedničkog prava vlasništva na bivšim kmetskim selištima („Službeni list SR BiH“, broj:22/73.), koji se primjenjuje kao federalni zakon temeljem člana IX 5. Ustava Federacije Bosne i Hercegovine („Službene novine Federacije BiH“, broj: 1/94.) i člana 200. Zakona o upravnom postupku („Službene novine Federacije BiH“, broj: 2/98 i 48/99), u predmetu utvrđivanja prava vlasništva na bivšem kmetskom selištu “Blagojević” u k.o. Gornji Rakovac po zahtjevu Vaskrsić (Mirko) Jugoslava iz Male Bukovice, opština Doboj, Općinsko vijeće Maglaj na sjednici održanoj dana 27.06.2013. godine, d o n o s i

#### **RJEŠENJE**

**1.** Utvrđuje se pravo vlasništva u korist Vaskrsić Mirko Jugoslava iz Male Bukovica sa dijelom 7/15, Vaskrsić Mirko Gorislava iz Doboja sa dijelom 7/15 i Maksimović Mirko Vojislavke iz Male Bukovice sa dijelom 1/15, na bivšem kmetskom selištu “Blagojević” označenom sa:

- k.č. br. 1281/1 zvana Trnjak pašnjak površine 626 m2 po zemljišnoj knjizi, a po katastru zemljišta odnosi se na k.č. br. 632 u istoj površini,
- k.č. br. 1282/2 zvana Trnjak pašnjak površine 1371 m2 po zemljišnoj knjizi, a po katastru zemljišta odnosi se na k.č. br. 633 u istoj površini,
- k.č. br. 1282/3 zvana Trnjak, neplodno, površine 2447 m2 po zemljišnoj knjizi, a po katastru se odnosi na k.č. br. 634 u istoj površini,
- k.č. br. 1281/2 zvana Čifluk livada, površine 7647 m2 po zemljišnoj knjizi, a po katastru se odnosi na k.č. br. 624 u istoj površini,
- k.č. br. 1281/3 zvana Put pod Čiflukom, šuma površine 4204 m2 po zemljišnoj knjizi, a po katastru se odnosi na k.č. br. 625 u istoj površini,
- k.č. br. 1281/4 zvana Trnjak livada, površine 2893 m2 po zemljišnoj knjizi, a po katastru se odnosi na k.č. br. 629 u istoj površini,
- k.č. br. 1281/5 zvana Trnjak voćnjak, površine 1048 m2 po zemljišnoj knjizi, a po katastru se odnosi na k.č. br. 628 u istoj površini,
- k.č. br. 1281/6 zvana Trnjak pašnjak, površine 4171 m2 po zemljišnoj knjizi, a po katastru se odnosi na k.č. br. 627/2 u istoj površini,
- k.č. br. 1281/7 zvana Stari koš, njiva površine 4159 m2 po zemljišnoj knjizi, a po katastru se odnosi na k.č. br. 627/1 u površini 4759 m2
- k.č. br. 1281/8 zvana Stari koš, šuma površine 470 m2 po zemljišnoj knjizi, a po katastru se odnosi na k.č. br. 626 u istoj površini,

- k.č. br. 1281/9 zvana Trnjak šuma, površine 430 m<sup>2</sup> po zemljišnoj knjizi, a po katastru se odnosi na k.č. br. 630 u istoj površini,
- k.č. br. 1281/10 zvana Trnjak pašnjak, površine 3123 m<sup>2</sup> po zemljišnoj knjizi, a po katastru se odnosi na k.č. br. 632 u istoj površini,

Sve navedene parcele upisane su u zk.ul. 107 k.o. Rakovac, u A I upisano je kao kmetsko selište Blagojević, a u B listu je upisano pravo vlasništva Hafizbegović (Avdibeg) Hilmibeg 1/1 po zemljišnoj knjizi, a po katastru su upisane u pl.br. 333/07 k.o. Gornji Rakovac, posjednici Vaskrsić Mirko Gorislav sa 1/3, Vaskrsić Mirko Jugoslav sa 1/3, Vaskrsić Mirko Bato sa 4/15 i Maksimović Mirko Vojislavka sa 1/15.

2. Utvrđuje se pravo vlasništva u korist Vaskrsić Mirko Jugoslava iz Male Bukovica sa dijelom 7/15, Vaskrsić Mirko Gorislava iz Doboja sa dijelom 7/15 i Maksimović Mirko Vojislavke iz Male Bukovice sa dijelom 1/15, na bivšem kmetskom selištu "Spasojevića, Lazarevića, Simića, Panića, Nikolića, Petrovića, Vaskrsića, Vasiljevića" označenom sa:

- k.č. br. 1208/79 zvana Todina voda, šuma površine 8393 m<sup>2</sup> po zemljišnoj knjizi, a po katastru se odnosi na k.č. br. 481 u istoj površini,

- k.č. br. 1208/100 zvana Todina voda, šuma površine 4731 m<sup>2</sup> po zemljišnoj knjizi, a po katastru se odnosi na k.č. br. 484 u istoj površini, obje upisane u zk.ul. br. 27 k.o. Rakovac pravo vlasništva Hafizbegović (Avdibeg) Hilmibeg sa 1/1 po zemljišnoj knjizi, a po katastru su upisane u pl.br. 333/07 k.o. Gornji Rakovac posjednici Vaskrsić Mirko Gorislav sa 1/3, Vaskrsić Mirko Jugoslav sa 1/3, Vaskrsić Mirko Bato sa 4/15 i Maksimović Mirko Vojislavka sa 1/15.

3. Nakon pravosnažnosti ovog rješenja, na nekretninama iz tačke 1. i 2. dispozitiva ovog rješenja Zemljišno knjižni ured Općinskog suda u Zavidovićima Odjeljenje Maglaj, brisat će ranije izvršene upise i na istim upisati pravo vlasništva u korist:

**Vaskrsić Mirko Jugoslav iz Male Bukovica, sa 7/15**

**Vaskrsić Mirko Gorislav iz Doboja, sa 7/15  
Maksimović Mirko Vojislavka iz Male Bukovice, sa 1/15.**

4. Troškove postupka u iznosu od 150,00 KM dužni su u roku od 8 dana od dana prijema rješenja uplatiti Vaskrsić Jugoslav, Vaskrsić

Gorislav i Maksimović Vojislavka na žiro račun Budžeta Općine Maglaj br. 199-046-00032516-34, vrsta prihoda 722 611.

## **O b r a z l o ž e n j e**

Dana 29.10.2008. godine ovaj Službi obratio se Vaskrsić (Mirko) Jugoslav iz Male Bukovice sa zahtjevom za utvrđivanje prava vlasništva na bivšem kmetskom selištu u k.o. Rakovac u korist Vaskrsić (Mirka) Jugoslava, Vaskrsić (Mirka) Gorislava i Vaskrsić (Mirka) Vojislavke, broj: 05-31-3-2688/08.

U zahtjevu se poziva na rješenje broj: 03/IV-475-35/88 od 16.06.1966. godine kao i zaključak o ispravci istog broj: 03/IV-475-35-1/88 od 04.01.1989. godine, kojim je u obnovi postupka po prijedlogu Vaskrsić Jugoslava u dr. ponišeno rješenje broj: 06/IV-168 od 24.10.2968. godine Ureda za katastar i imovinsko-pravne odnose Skupštine opštine Maglaj kao i pravne posljedice proizvedene ovim rješenjem u zk. ul. br: 200, 221, 233, 252, 254, 274, 282, 285, 364, 119, 114, 110 i 55, osim za nekretnine upisane u zk.ul. br. 388 a sve u k.o. Rakovac.

U postupku po predmetnom zahtjevu održana je rasprava na licu mjesta dana 24.10.2009. godine uz prisustvo podnosioca zahtjeva, općinskog pravobranioca, stručnog lica za geodetske poslove i voditelja postupka, te je u postupku utvrđeno slijedeće:

Stručno lice za geodetske poslove izvršilo je identifikaciju predmetnog zemljišta te u izjavi na zapisnik sa usmene rasprave od 24.10.2009. godine ustvrdio da su predmet rasprave nekretnine označene kao u tački 1.i 2. dispozitiva ovog rješenja.

U izjavi na zapisnik od 29.12.2010. godine stručno lice za geodetske poslove dopunilo je svoju izjavu sa lica mjesta od 24.10.2009. godine navodeći:

Po starom katastarskom operatu koji je bio na snazi do 1974. godine parcele koje su bile označene sa br. 1282/1, 1280/2, 1282/2, 1276, 1277, 1279, 1278/1, 1278/2 i 1281, a koje se po novom katastarskom operatu odnose na k.č. br. 624, 625, 626,627/1, 627/2 i 628,629, 630, 631, 632, 633, i 634 (parcele iz tačke 1. dispozitiva ovog rješenja) bile su upisane u posjedu Vaskrsić Mirka sin Jove u dijelu 1/1.

Predmetne parcele su u posjedovni list br. 402 po starom kat. operatu u kojem je kao posjednik bio Vaskrsić Jovin Mirko sa 1/1 došle iz p.l.-a 31 u kojem je kao posjednik bio upisan Blagojević Blagoje Ilija sa 1/1 i to spiskom promjena iz 1959. godine i 1963. godine.

Parcela označena sa dio k.č. br. 1209 po starom katastarskom operatu, koja odgovara po novom operatu parcelama 481 i 484 a koja je sada usklađena u zemljišnoj knjizi na k.č. br. 1208/79 i 1208/100 (parcele iz tačke 2. dispozitiva ovog rješenja) po starom katastarskom operatu bila je upisana na Vaskrsić Mirka sin Jove u dijelu 1/1, u posjedovnom listu br. 402 k.o. Rakovac, i nema prikazanih promjena, tj. upisana je formiranjem posjedovnog lista.

Stupanjem na snagu novog premjera 1974. godine na svim predmetnim parcelama kao posjednik je bio upisan Vaskrsić Jovice Mirko sa 1/1.

Istim nalazom stručno lice za geodetske poslove je dopunilo svoj nalaz za k.č. br.1208/79 i 1208/100 po podacima iz zemljišne knjige navodeći :

- k.č. br. 1208/79 šuma "Todina voda" površine 8393 m<sup>2</sup> i k.č. br. 1208/100 šuma "Todina voda" površine 4731 m<sup>2</sup>, obje upisane u zk.u.. 27 k.o. SP Rakovac (preuzeto iz analogne knjige iz zk.ul. 221 k.o. Rakovac), pravo svojine Hilmibeg Hafizbegović umrl. Avdibega sa 1/1.

Na predmetnim parcelama u zemljišnoj knjizi Općinskog suda u Zavidovićima u periodu od 1919. -1976. god. kao vlasnik je bio upisan Hilmibeg Hafizbegović sa 1/1.

U periodu od 1976.-1989. godine na predmetnim parcelama je bila upisana Društvena svojina sa pravom korištenja Opština Maglaj sa 1/1, i to na osnovu rješenja Opštine Maglaj br. 06/IV-1/68 od 24. 10.1968. godine u predmetu eksproprijacije velikih posjeda.

Od 1989. godine na predmetnim parcelama je upis "pravo svojine Hilmibeg Hafizbegović umrl. Avdibega sa 1/1, a na osnovu rješenja Opštine Maglaj broj. 03/IV-475-35/88 od 16.06.1988. godine kojim se djelimično poništava rješenje iz 1968. godine i upis vraća u pređašnje stanje.

U "A" listu zk. ul. 221 je izvršen upis koji glasi "Primljeno 28. januara 1897. godine broj 327 gr. Na temelju naredbe Zemaljske vlade u Sarajevu od 11. avgusta 1896. godine broj: 67. 124/III upisane su u A I čestice broj 1167, 1208 i 1209 sa ubilježbom "Kmetško selište Spasojevića, Lazarevića, Simića, Panića, Nikolića, Petrovića, Vaskrsića, Vasiljevića" otpisane iz AI gr. uložka 160.

Posjednik Vaskrsić Jugoslav je na usmenoj raspravi od 24.10.2009. godine izjavio da je njegov otac oko 1952.-1953. godine kupio zemlju iz tačke 1. ovog rješenja od Blagojevića koji su zemlju koja je im je preostala u posjedu preveli u vlasništvo, a njihovo zemljište nisu nikada upisali u vlasništvo. Da smatra dovoljnim priloženu presudu suda kada je tužio za isječenu šumu. Da će priložiti rješenje o nasljeđivanju iza brata Vaskrsić Bate. Da "Todinu

vodu" šuma su držali još od pradjeda i smatra da je ista njihovo vlasništvo, a uvijek su bez zabrane sjekli šumu.

U izjavi na zapisnik od 26.10.2011. godine Vaskrsić Jugoslav se izjasnio da ostaje kod zahtjeva, navodeći da su parcele Todina voda njihovo vlasništvo još iz perioda kada je njegov pradjed držao isto a to znači negdje od 1928 godine kada je nestao beg i do kada su oni njemu davali tzv. tretinu tako da smatra da je to nesporno njihova šuma i kao kmetško zemljište da bi im moglo biti priznato jer su ga držali u posjedu sve do danas. Da takođe smatra da za preostale parcele za koje je podnio zahtjev trebaju biti priznate kod ovog organa jer su to zemljište kupili od porodice Blagojević, koja je isto držala kao kmetško i 50-ih godina prodala njima. Da su Blagojevići zemljište držali još iz perioda života bega kao i ostale porodice jer su bili kmetška porodica a onda smatrajući da je to njihovo vlasništvo prodali njima od kada oni zemljište uživaju. Da su to parcele Trnjaci, Čitluk, Stari koš i da je iste naveo odnosno zabilježio u z.k. izvadku broj 107 zaokruživši ih.

Općinsko pravobranilaštvo Maglaj je u izjavi br: U. 27/09 od 28.09.2011. godine je istaklo da nakon održane rasprave na licu mjesta i uvidom u dostavljene podatke za predmetno zemljište od strane stručnog lica za geodeziju na licu mjesta identifikovane i dostavljene dopunjene izjave od 29.12.2010. godine nesporno je da podnosilac zahtjeva lično i kao punomoćnik svoje braće, kako u zahtjevu stoji, podnio zahtjev da im se utvrdi pravo vlasništva na zemljištu upisanom u njihovom posjedu koje se u zemljišnim knjigama vodi u vlasništvu Hifzibegović (Avdibeg) Hilmibega sa 1/1. Prema izjavi stručnog lica za geodeziju radi se o upisu kao kmetškom selištu Blagojević upisan u AI listu. Da shodno ovome, smatraju da se u ovoj pravnoj situaciji imaju primjeniti odredbe Zakona o postupku ukidanja zajedničkog prava vlasništva na kmetškim selištima ("Sl. list SRBIH", broj: 23/73) koji se primjenjuje u Federaciji BIH kao pozitivni propis, koji propisuje postupak i uslove za priznavanje prava vlasništva na kmetškim selištima, iako nije isključena moguća primjena i drugih propisa jer se radi o upisu koji glasi na pojedinca gdje bi se primjenile odredbe Zakona o vlasničko-pravnim odnosima, a što upućuje na nenadležnost organa uprave. S toga Općinsko pravobranilaštvo predlaže nadležnoj Službi da u postupku utvrdi sve relevantne činjenice za pravilno i zakoniti rješavanje u ovoj stvari, a naročito vodeći računa da li podnosilac zahtjeva ispunjava uslove za utvrđivanje prava vlasništva koji su propisani u članu 2. i 3. gore citiranog zakona, odnosno da li je podnosilac aktivno

legitimisan za podnošenje zahtjeva kao i činjenicu statusa zemljišta radi pravilne odluke u pogledu nadležnosti.

Stanković Radenko rođen 24.11.1961. godine u svojstvu svjedoka na zapisnik od 27.10.2011. godine izjavio je da je unuk Blagojević Jovane koja je bila u srodstvu sa Blagojević Ilijom jer su njihovi očevi bili braća. Da po tome zna da su parcele koje je službeno lice pobrojalo kao kmetsko selište Blagojevića zaista i pripadale nekada ranije porodici Blagojević . Da mu je poznato da je Vaskrsić Jugoslava otac Mirko kupio od Blagojević Ilije njemu pripadajući dio nekretnina Blagojevića jer je ovaj odselio u Prnjavor . Da takođe zna da su Vaskrsići uživali predmetno zemljište kao svoje jer su ga i kupili . Da je njegova porodica 1992. godine u postupku kod organa uprave nadležnog za rješavanje također ostvarila pravo vlasništva na bivšem kmetskom selištu Nedića koje se veže za ovo kmetsko selište Blagojevića pa iz tog razloga želi da potvrdi da nije bilo smetnji za priznavanje i da smatra da podnositelj zahtjeva uz njegovo svjedočenje da je zaista kupio kmetsko selište Blagojevića nema smetnji za priznavanje vlasništva. Da se sjeća da kada su stručna lica tzv. Komisija bili na licu mjesta za rješavanje u njihovom slučaju da su spomenuli da imaju zahtjev i za kmetsko selište Blagojević za koje su ustvrdili da je odmah tu i veže se te da su rekli da će to riješiti kasnije pa ne sumnja da nije bilo ratnih dešavanja da bi to i bilo riješeno .

Vaskrsije Spasojević rođen 01.05.1948. godine na zapisnik od 19.10.2009. godine u svojstvu svjedoka izjavio je da je po godinama mlađi ali je u postupku priznavanja prava vlasništva na kmetskom zemljištu u periodu od 1984.-1988. godine na zemljištu koje su uživali njegovi preci kao preci Vaskrsić Jugoslava sin Mirka upoznao pojedinosti o tom zemljištu . Da su predmetno zemljište negdje od 1920. godine porodice Spasojević, Vaskrić i dr. koristile kao vlasništvo i plaćale porez državi na isto , te da odgovorno tvrdi da su predmetno zemljište koristili preci Vaskrsić Jugoslava i da ga i sada neometano koriste Jugoslav i njegov brat i sestra.

Vaskrsić (Mirko) Gorislav izjavom na zapisnik od 28.08.2012. godine i Maksimović rođena Vaskrsić (Mirko) Vojislavka izjavom na zapisnik od 11.09.2012. godine opunomoćili su svog brata Vaskrsić Jugoslava sina Mirka da ih zastupa u ovom predmetu.

Izvršen je uvid u rješenje Općinskog sekretarijata za privredu SO Maglaj broj: 03/IV-475-35/88 od 16.06.1966. godine kao i zaključak o ispravci istog broj: 03/IV-475-35-1/88 od 04.01.1989. godine , kojim je u obnovi postupka po

prijedlogu Vaskrsić Jugoslava u dr. poništeno rješenje broj: 06/IV-1/68 od 24.10.2968. godine Ureda za katastar i imovinsko -pravne odnose Skupštine opštine Maglaj kao i pravne posljedice proizvedene ovim rješenjem u zk. ul. br: 200, 221, 233, 252, 254, 274 ,282, 285, 364, 119, 114, 110 i 55, osim za nekretnine upisane u zk.ul. br. 388 a sve u k.o. Rakovac, te je iz obrazloženja utvrđeno da su predmetne nekretnine imale status kmetskih selišta da su u posjedu bivših kmetova i da begovska porodica nije vršila vlasnička prava na zemljištu od 1928. godine.

Izvršenim uvidom u dopunsko rješenje o nasljeđivanju Osnovnog suda u Doboju broj: O-163/97 od 25.12.2008. godine utvrđeno je da su za zakonske nasljednike na naknadno pronađenoj imovini iza Vaskrsić Bate , među kojom su i nekretnine iz tačke 1. i 2. dispozitiva ovog rješenja sa dijelom 4/15 , proglašeni brat Vaskrsić Jugoslav sin Mirka iz Male Bukovice sa dijelom 1/2 i i brat Vaskrsić Gorislav sin Mirka iz Doboja sa 1/2 , dok je sestra Maksimović rođ. Vaskrsić Vojislavka kći Mirka proglašena za zakonskog nasljednika na naknadno pronađenoj pokretnoj imovini preciziranoj u tački 1. pod B navedenog rješenja o nasljeđivanju.

Na osnovu izloženog , utvrđeno je da je prednik podnositelaca zahtjeva Vaskrsić Jove Mirko nekretnine bivšeg kmetskog selišta Blagojević iz tačke 1. ovog rješenja kupio od Blagojević Blagoje Ilije kao njegov pripadajući dio na kmetskom selištu "Blagojević" , da je Blagojević Blagoje Ilija u starom katastarskom operatu u pl. br. 31 bio upisan kao posjednik nekretnina iz tačke 1. dispozitiva ovog rješenja sa 1/1 dijela koje su spiskom promjena iz 1959. i 1963. godine upisane (došle iz pl. br. 31) u pl. br. 402 po starom katastarskom operatu u kojem je kao posjednik bio upisan Vaskrsić Jovin Mirko sa 1/1, te da su podnosioci zahtjeva kao zakonski nasljednici Vaskrsić Mirka uknjiženi kao posjednici predmetnih nekretnina u pl.br. 333/07 k.o. Rakovac, i to Vaskrsić Mirko Gorislav sa 1/3, Vaskrsić Mirko Jugoslav sa 1/3 i Vaskrsić Mirko Bato sa 4/15 i Maksimović Mirko Vojislavka sa 1/15, kao i da su Vaskrsić Jugoslav i Vaskrsić Gorislav na osnovu naprijed navedeno dopunskog rješenja o nasljeđivanju Osnovnog suda u Doboju broj: O-163/97 od 25.12.2008. godine naslijedili 4/15 posjedničkog dijela Vaskrsić Bate, sa po 1/2 dijela. Cijeneći navedeno kao da je članom 5. Zakona o postupku ukidanja zajedničkog prava vlasništva na bivšim kmetskim selištima propisano da otuđenja bivših kmetskih selišta izvršena do dana raspravljanja odnosa na bivšem kmetskom selištu po odredbama ovog zakona , priznaju se ako su

uslijedila po sporazumu lica iz člana 2. i 3. ovog zakona ili njihovih prednika, to je primjenom odredaba člana 4; 5. i 6. Zakona o postupku ukidanja zajedničkog prava vlasništva na bivšim kmetskim selištima, odlučeno kao u tački 1. dispozitiva ovog rješenja.

U postupku je takođe na osnovu izloženog, vezano za nekretnine iz tačke 2. dispozitiva ovog rješenja, utvrđeno je da su preci podnosilaca zahtjeva nekad davno ranije naseljeni kao kmetska porodica na kmetsko selište iz tačke 2. dispozitiva ovog rješenja od strane vlasnika zemljišta po zemljišnoj knjizi Hifzibegović Hilmibega umrlog Avdibega iz Maglaja, da su podnosioci zahtjeva zakonski nasljednici Vaskrsić Mirka člana bivše kmetske porodice koji se 18.08.1951. godine zatekao odnosno živio na zemljištu iz tačke 2. dispozitiva ovog rješenja, da su na istim podnosioci zahtjeva kao zakonski nasljednici Vaskrsić Mirka uknjiženi kao posjednici u pl.br. 333/07 k.o. Rakovac, i to Vaskrsić Mirko Gorislav sa 1/3, Vaskrsić Mirko Jugoslav sa 1/3 i Vaskrsić Mirko Bato sa 4/15 i Maksimović Mirko Vojislavka sa 1/15, te da su Vaskrsić Jugoslav i Vaskrsić Gorislav na osnovu dopunskog rješenja o nasljeđivanju Osnovnog suda u Doboju broj: O-163/97 od 25.12.2008. godine naslijedili 4/15 posjedničkog dijela Vaskrsić Bate, sa po 1/2 dijela. Cijeneći navedeno, kao i da su Vaskrsić Gorislav, Maksimović rođ. Vaskrsić Vojislavka i Vaskrsić Bato rođeni poslije 18.08.1951. godine ali da su podnosioci zahtjeva nasljednici Vaskrsić Mirka člana bivše kmetske porodice koji se dana 18.08.1951. godine zatekao odnosno živio na zemljištu iz tačke 2. dispozitiva ovog rješenja, i da im kao zakonskim nasljednicima Vaskrsić Mirka pripada pravo vlasništva na dijelu kmetskog selišta koji je njemu pripadao, to je shodno izloženom u vezi sa članom 2; 4. i 6 Zakona o postupku ukidanja zajedničkog prava vlasništva na bivšim kmetskim selištima, odlučeno kao u tački 2. dispozitiva ovog rješenja.

Troškovi postupka su obračunati u skladu sa tarifnim brojem 15. tačka 4. Odluke o općinskim administrativnim taksama i tarifi Općinskih administrativnih taksa («Službene novine Općine Maglaj» br. 11/05 i 8/06).

Na osnovu izloženog, odlučeno je kao u dispozitivu rješenja.

Ovo Rješenje je konačno u upravnom postupku i protiv istog se ne može se uložiti žalba, ali se u roku od 30 /trideset / dana od dana prijema istog može pokrenuti upravni spor kod Kantonalnog suda u Zenici.

Tužba se podnosi neposredno Kantonalnom sudu u Zenici.

Broj: 02-05-1-1168/13

Datum, 27.06.2013.godine

**PREDSJEDAVAJUĆI OV,  
Marko Zelić**

---

Na temelju člana 18. Statuta Općine Maglaj («Službene novine Općine Maglaj» broj: 8/07, 3/08 i 6/08) i člana 108. Poslovnika o radu Općinskog vijeća («Službene novine Općine Maglaj» broj: 2/09 i 1/13), Općinsko vijeće Maglaj na sjednici održanoj dana 27.06.2013. godine, usvojilo je

## **ZAKLJUČAK**

### **I**

Općinsko vijeće prihvata inicijativu Udruženja bubrežnih bolesnika ZDK za izmjene i dopune Zakona o transplantaciji organa i tkiva u cilju liječenja («Službene novine Federacije BiH», broj 75/09).

### **II**

Općinsko vijeće prihvata odnosno podržava amandman na izmjenu Zakona u smislu inicijative iznesene od strane Udruženja građana bubrežnih bolesnika ZDK.

### **III**

Općinsko vijeće predlaže da se ovaj zaključak uputi prema oba Doma Federacije Bosne i Hercegovine, i istovremeno zadužuju se poslanici sa područja općine Maglaj na višim nivoima vlasti da pokrenu ovo pitanje u smislu izmjene ovog Zakona.

### **IV**

Ovaj zaključak uputiti svim političkim strankama na nivou općine Maglaj da i oni svojom linijom pokrenu ovo pitanje izmjene Zakona.

### **V**

Zaduženje: Služba Općinskog načelnika i vijeća i Služba za BiZ, opću upravu i društvene djelatnosti.

Broj: 02-05-1-1171/13

Datum, 27.06.2013.godine

**PREDSJEDAVAJUĆI OV,  
Marko Zelić**

---



## SADRŽAJ

### AKTI OPĆINSKOG VIJEĆA

1. RJEŠENJE o formiranju popisne komisije općine Maglaj za popis stanovništva, domaćinstava i stanova u BiH 2013.godine ..... 162
2. ODLUKA o davanju saglasnosti za rekonstrukciju i izgradnju visećeg mosta na rijeci Bosni ..... 163
3. ODLUKA o izmjeni i dopuni Odluke o općinskim administrativnim taksama i tarifi općinskih administrativnih taksa ..... 163
4. ODLUKA o neprihvatanju ponude od strane Milovanović (Nedeljko) Savke iz Misurića, općina Maglaj, o prvenstvenom pravu preuzimanja gradskog građevinskog zemljišta ..... 164
5. ODLUKA o sprovođenju socijalne zaštite i zaštite porodice sa djecom na općini Maglaj ..... 164
6. RJEŠENJE o utvrđivanju pravo vlasništva u korist Vaskrsić Mirko Jugoslava iz Male Bukovica sa dijelom 7/15, Vaskrsić Mirko Gorislava iz Doboja sa dijelom 7/15 i Maksimović Mirko Vojislavke iz Male Bukovice sa dijelom 1/15, na bivšem kmetskom selištu “Blagojević” ..... 172
7. ZAKLJUČAK Općinskog vijeća o prihvatanju inicijative Udruženja bubrežnih bolesnika ZDK za izmjene i dopune Zakona o transplantaciji organa i tkiva u cilju liječenja .. ..... 176